

2
his
440

1. **Em. & Reu. Dñe.** Licet nouitates per Reuerendiss. D. Archiepiscopum Mechliniensem excitatæ fuerint, ex mandato Sux Sanctitatis, amicabiliter compositz, interuentu Illustriss. D. Favoriti (vt ipse testabitur) mediantibus, pro D. Archiepiscopo, D. Francisco Vianen Doctore Louaniensi, (qui asseruit, se ad id habere mandatam speciale) & pro Regularibus, R. P. Mag. Christiano Lupo, nihilominus D. Archiepiscopus noluit stare capitulis scripto exaratis coram dicto D. Favorito, negans se eiusmodi mandatum à D. Vianen assertum dedisse; idè deputata est particulari Congregatio, vt ab ea deciderentur tria puncta controuersa.

Primum: an, non obstante Decreto D. Archiepiscopi, (quod datur *Summ. num. 1.*) in Processionibus (quæ semel, aut iterum in anno solent fieri extra septa Monasterij, cum consensu eorum ad quos spectat) possint, iuxta antiquam, & immemorabilem consuetudinem in Belgio seruata, deferri Imagines B. Virginis, aut aliorum Sanctorum; quæ à multis retrò annis circumlatæ fuerunt, & Sanctorum Reliquiæ, eum eodem SS. Sacramento, sine D. Archiepiscopi licentiâ?

Secundum, an liceat Regularibus, conformiter dictæ consuetudini, in proprijs Ecclesijs adorandum exponere, consuetis diebus, & horis, Augustissimum Eucharistiæ Sacramentum, sine D. Archiepiscopi licentiâ?

Tertium, an Dominus Archiepiscopus in collatione Ordinis Presbyteratus, & benedictione Abbatiali, queat cogere Regulares, tam Canonicos Præmonstratenses, quam Mendicantes, & alios exemptos ad sibi promittendam obedientiam; & Superiores eorumdem, vt in litteris præsentatorijs suorum subditorum ad Ordines suscipiendos, & approbationem pro Confessionibus, ac licentiâ pro Concionibus, eum saluent cum his verbis: *Debitam obedientiâ*?

2. Ante omnia protestantur Regulares, quod nulla ratione intendant auctoritatem Illustriss. D. Archiepiscopi impugnare, nec quidquam ipsi debitz reuerentiæ subtrahere; sed solum Ritus antiquos Belgij, iura suarum Ecclesiarum, imò ipsius Populi Belgici, eorumque exemptionem intra modestiæ cancellos propugnare, ad quæ eos sub peccato teneti demonstrat Solorzanus de *Lure Indiarum tom. 2. lib. 3. cap. 16. num. 89.* vbi, post varios Authores, addit, illorum negligentiam, vel renunciationem statui Ecclesiastico, imò, & ipsi Summo Pontifici esse iniuriolosam.

3. Et quo ad duo prima dubia, præmittunt, vigere in Belgio consuetudinem antiquissimam, & ab immemorabili introductam, sine licentiâ cuiusquam exponendi in Ecclesijs Sæcularibus, & Regularibus, certis diebus, & horis Augustiss. Eucharistiæ Sacramentum venerationi fidelium, cum decenti luminum copia, & faciendi semel, atque iterum singulis annis Processionem solemnem, in qua cum Sanctiss. Eucharistia, deferretur Imago Beatiss. Virginis Mariæ, vel alicuius Sancti (quem Ciuitates, vel Oppida habent pro Protectore) hoc ordine: Primò, deferretur Crux, quam immediatè sequitur pars Cleri Sæcularis, aut Regularis; deinde Imago Sancti; postmodum reliqua pars Cleri cum Ecclesiastico apparatus, quem sequuntur multi sæculares cum facibus accensis, immediatè ante Sanctiss. Sacramentum à Sacerdote sub baldachino delatum, comitantibus Diacono, & Subdiacono, præcedentibus Thuriferarijs.

4. Qua consuetudine antiquissima non attenta, D. Archiepiscopus Mechliniensis 29. Augusti 1674. promulgauit Decretum; quo *omnibus Rectoribus Ecclesiarum &c. mandat, vt, conformiter Sacri Concilij Tridentini, Decretis, nonnisi rarissimè, & in arduis causis pacis, & publicæ necessitatis, Venerab. Sacramentum publice venerationi expōnant, nec aliquas Sanctorum venerandas Reliquias, aut Imagines, etiam B. Maria Virginis, unà cum ipso Sacramento circumferant; vt populi non distrabatur ad plura deuotio, & vt uni soli Deo, qui debetur in solidum, suus reddatur honor, & gloria.* in *sum. Num. 1.*

5. Occasione cuius Decreti ortum est magnum scandalum Bruxellis in festo S. Michaelis Protectoris; nam cum in Processione solita (cui interest Magistratus, & alij Primates) Clerus Ecclesiæ dicti Sancti recusaret eius Statuam, iuxta antiquissimum vsum, deferre cum Sanctissimo Sacramento; populus impatiens

patiens istius nouitatis, coepit obmutumtare, & vociferari contra eiusmodi Decretum, & illius auctorem; ideo Magistratus vrsus, vt Statua Sancti Protectoris circumferretur; quod cum non potuisset impettare, indignatur recessit à Processione, cum alijs Primoribus, & maiori parte populi, volebatque um abducere Regulates ibi presentes; qui, obsequentes D. Archiepiscopo (vt ipsemet fatetur in rationibus suis artic. 12. dandis in *Summ. num. 5.*) Processioni interfuerunt.

- 6 Vnde populus recogitans, quæ ab Iconoclastis facta fuerant centum annis antè Bruxellis, Antuerpiæ, & in omnibus alijs Vrribus Belgij, clamabat, breui illa esse iteranda, & Imagines ex Ecclesijs esse eiiciendas; si enim, inquebat, Imagines Sanctorum cum Sanctis. Sacramento in Processione permitti nequeunt, illæ etiam ab Ecclesijs sunt eliminandæ: Nos breui futuri sumus Hæretici &c. Magis autem irritabatur ex discerjs Militum Hollandorum exultantium, & exprobantium, quod iam Catholici incipiebant agnoscere suum errorem; quod breui abrogaretur Imaginum vsus, & Missæ omitterentur, vt constaret ex sex attestacionibus nonaginta quinq; Cinium Bruxellensium, Magistratus Alostenfis, & aliorum datis in *Summ. num. 2.*
- 7 Quæ cum fuisset exposita Excellentiss. D. Comiti de Monterey, tunc Gubernatori Generali, per libellum supplicem exhibitum à Magistratu *Summ. num. 3.* Is, ad auerterendum imminentem tumultum, auditis votis Consiliorum Status, & Priuati, per litteras scriptas 4. Octobris eiusdem anni 1674. & datas in *Summ. num. 4.* mandauit Capitulo Sanctæ Gudulæ, vt septima Octobris facerent Processionem cum delatione Sanctis. Sacramenti, & Statuæ S. Michaelis.
- 8 Postmodum à D. Archiepiscopo accepit rationes, ob quas, is nolebat deferri dictam Statuam, quæ dantur in *Summ. num. 5.*
- 9 Et facta omnium relatione Reginæ tunc Regentis, missisque ad eam votis sex primariorum Theologorum, & Consilij Status; Illa, consulto S. Inquisitionis Officio, & Consilio Belgij Matrivi residente, iussit omnia communicari Illustri. D. Nuncio, vt plenius edoceret de ista controuersia, & malis ex ea impendentibus à Sua Sanctitate procuraret remedium, vt patet ex litteris datis 23. Iunij 1675. ad dictum Gubernatorem, ubi etiam dicit, quod Archiepiscopus nouitatem intrudere voluerit, contra vsu, cum satisfactioe zelantium Catholicorum, ab immemorabili tempore seruatum, &c. vt in *Summ. num. 6.*
- 10 Quæ nouitas eo maiorem perplexitatem in animis populorum pariebat, quod paulò ante illud Decretum, in Belgio aliæ affines præcefferant, & adhuc permanent, circa administrationem Sacramenti Poenitentiae, dilacionem absolutionis vsque ad impletam satisfactioem, denegationem illius relapsis in aliquod mortale prius commissum, imminutionem cultus Beatiss. Virginis, & Sanctorum; & distributa fuerant idiomate Gallico, & Flandrico in omnibus locis Belgij, Monita salutaria Beatiss. Virginis ad suos indiscriminos cultores; quæ tale virus effuderant, vt etiamnum vix credibile sit, quomodo conturbentur conscientia Catholicorum, & latentur Hæretici, qui se vallant, Papistas paulatim ad illos desletere, D. Virginem parni fieri, Sanctos, & Imagines Sanctorum, eorumque Reliquias contemni, &c. Sunt verba litterarum alicuius primarij Ministri scriptarum ad quemdam in Vrbe existentem, vt de illis Sua Sanctitas moneretur, vt ex epistola, quæ datur.
- 11 Vt istis malis tunc occasione dicti Decreti subortis, & alijs præuis obuiaretur, D. Gubernator Generalis voluit vt Regulates istius Decreti cassationem à Sancta Sede postularent, eorumque libellum supplicem misit ad Eminentiss. D. Cardinalem Nithardum, tunc Oratorem Sæ Catholicæ Maiestatis, vt eum porrigeret sanct. mem. Clementi X.
- 12 Cum ijs non obstantibus, D. Archiepiscopus persisteret in suo Decreto, nolletque permittere, vt Clerus Ecclesiæ Montis Frigidi Bruxellis, nec Confratres S. Rosarij Oppidi Alosten. deferrent Imaginē Beatiss. Virginis in solis Processionibus annuis, illæque sunt de hæc quærelas deposuissent, D. Gubernator Generalis, conformans se intentioni Reginæ Regentis ordinauit, nihil esse innouandum.
- 13 Et pariter Consilium Priuatum, ad instantiam Confratrum Alosten. S. Rosarij, communicatis prius illorum rationibus D. Archiepiscopo, visque eius

eius ad illas response, ad ipsum dedit litteras nomine Regis die quarta Octobris 1675. in quibus sequentia rescripsit: *Viso responso vestro ad dictum libellum supplicem &c. Vobis indicandum duximus, nos congruum arbitrari, ut Clerus, & populus dicti loci relinquatur in antiquo usu instituendi Processionem, & nulla circa id introducatur novitas; cum etiam Regina Mater nostra, suis litteris datis ad Gubernatorem Generalem harum Ditionum 23. Iulij proxime preteriti declaraverit, se ita velle, & sibi displicere id quod voluistis immutare, illudque novitatem appellavit; quam non vult radicem agere &c. Summ. num. 7.*

14 Capitulum verò Collegiæ S. Petri Louanij, cum Magistratu, Rectore Universitatis, & Doctoribus Facultatum Sacræ Theologiæ, Iuris, & Medicinæ; quia D. Archiepiscopus eis negauerat licentiam, imò ipse expressè prohibuerat ne deferrent Imaginem Beatiss. Virginis ad præpedienda mala lupra memorata, curavit illo anno, & sequentibus Processionem fieri more solito; & iste usus vsque in præsentem diem perseverat in istis Ecclesijs, & pluribus alijs istius Diocesis Mechlinien.

15 Religiosis autem Mendicantibus (qui ultra Processionem infra Octavam Corporis Christi, sunt in possessione immemorabili quotannis faciendi vnam, atque alteram extra scripta Monasterij, cum SS. Sacramento, & Imagine, aut Statua vel Beatiss. Virginis, vel alicuius Sancti, idque defectu territorij nequeunt absque consensu Parochi, vel Ordinarij) illum primis annis constanter negavit, etiam Minoritis S. Francisci in solemnitate Beatificationis Martyrum Gorcomensium in Mense Iulij 1676. licet anno 1618. (dum eorum Reliquiæ ex Hollandia adferrentur, & nondum essent Beatificati) illius Prædecessor solemnissimam fieri permisit, in qua delatæ sunt Statuæ Beatiss. Virginis, & S. Francisci, necnon Reliquiæ Martyrum, & postea Sanctiss. Sacramentum, vt videre est in Historia Seraphica impressa Louanij anno 1628. Quæ negotio toti Europæ innotuit; quia Gazettarius Amstelodamensis in foliolo impresso eodem anno 1676. scripsit, quod D. Archiepiscopus qui res alio modo, quam ipsi (Minoritæ) accipit, id recusauerit, propter rationes nondum notas, vt in Summ. num. 5.

16 Etiam Dominicani petentibus vt possent in Processione faciendi ipso festo S. Dominici deferre Venerabile Sacramentum, sine Imagine Sancti, (vti semper fuerat in usu) noluit permittere, sed vt solam Imaginem Sancti (quod prius nunquam factum fuerat) deferrent vt in Summ. num. 9.

17 Postmodum Augustinianis anno 1677. concessit vtriusque circumgestationem, ob horum temporum calamitatem, & necessitatem publicam, vt in Summ. num. 10. Attamen (licet perseverarent eadem calamitates) Carmelitis idipsum verbo, & scripto humillimè efflagitantibus, tunc, & anno sequenti pernegavit; sicut & præsentis anno 1679. licet à Secretaria Status ipsi scriptum esset, vt nihil innouaret, & mitius cum Regularibus ageret; ac S. Congregatio Sancti Officij ipsi scripsisset, vt solitam Processionem die festo Scapularis in septem Conuentibus in ista Diœcesi fieri permitteret, Illustrissimusque D. Internuntius eum sæpius id rogasset; qui, visa eius tenaci renitentia, ordinavit dictam Processionem fieri; & quia D. Archiepiscopus, non obstantibus dictis litteris, sibi traditis, per suum Archiepiscopum Louanensem illam fieri prohibuerat, D. Internuntius coactus fuit obtinere assentiam D. Gubernatoris Generalis, vt patet in Summar. numer. 11. factaque fuit Processio cum concursu extraordinario, & summa exultatione populi, quæ quinque annis omissa fuerat.

18 Ob hunc recursum ad S. Sedem grauiter offensus fuit Regularibus D. Archiepiscopus, qui cepit querere modos, vt eos ad sibi obediendum compelleret; nam nullum ipsorum voluit Sacris Ordinibus initiare, aut ad Confessiones excipiendas, vel Conciones habendas admittere, nisi in litteris præsentatorijs ponrent, *Obedientiam*; nec quemquam illorum consecrare in Presbyterum, nisi intra consecrationem, obedientiam ipsi profiterentur, vt inferius in tertio Dubio.

19 Eandem obedientiam voluit sibi promitti à quolibet Regulari exempto benedicendo in Abbatem, vt pariter inferius.

20 Quibus in facto præmissis, videtur respondendum tam in primo, quam in secundo dubio, seruandum esse solum: etenim dicta duo dubia pari passu ambu-

ambulant, nec vllam videntur pati difficultatem.

- 21 Primò, quia illa non sunt per se mala, nec scandalosa; nec vllò Canone, vel Apostolica sanctione prohibita: si enim essent mala, aut prohibita, D. Archiepiscopus non posset illa pro libitu, & beneplacito suo concedere, prout sæpe facit.
- 22 Secundò, sunt fundata in antiqua, & immemorabili consuetudine, non solius Belgij, sed totius Germaniæ, & Ditionis Leodienfis Belgio conterminarum, necnon Hispaniæ, & Lusitanæ.
- 23 Quæ ab omnibus Prædecessoribus D. Archiepiscopi, cæterisque Belgij Episcopis nunquam improba, sed laudata fuit.
- 24 Necnon à Carolo Quinto (qui Concilium Prouinciale Colonienfe, in quo firmatur dicta consuetudo, vt infra dicitur §. 29. Imperiali autoritate comprobauit Bruxellis die 4. Iulij 1549.) Archiducibus Alberto, & Isabella, Gubernatoribus Generalibus Belgij, & alijs Magistratibus, qui frequentissimè istis Processionibus interfuerunt, & Ecclesias vbi erat expositum Sanctissimum Sacramentum vlsitarunt; imò, & Episcopi in eodem Altari sæpe celebrarunt.
- 25 Ab ipsa Regina tunc Regente Hispaniarum in litteris datis ad D. Gubernatorem Generalem Belgij, *Summ. num. 6.* in quibus dicit, *esse eorum, quod Archiepiscopus voluerit introducere nonitate contra usum, cum satis fultione xelantiorum Catholicorum, ab immemorabili tempore seruatum.*
- 26 Et ab ipsis Consilijs Status, & Priuato Belgij, qui sæpe declarauerunt, istam consuetudinem seruandam; & notanter Consilium Priuatum in suis litteris datis ad D. Archiepiscopum supra relatis in *Summ. num. 7.*
- 27 Attestationes datæ in *Summ. num. 2.* & allæ (quæ breuitatis causa dantur originaliter in manibus Reuerendiss. D. Secretarij) probant illam consuetudinem exponendi Sanctiss. Sacramentum, & cum eo circumferendi Sanctorum Imagines, ac Reliquias, & quidem sine cuiusquam licentia, seruata esse in toto Belgio, idque testantur non solù Regulares sed & omnes Magistratus Vrbium dicti Belgij Diocesis Mechliniensis, Antuerpiensis, Gandauenfis, Iprensis, & alij, vt in *Summ. numer. 12.*
- 28 Est enim illa peculiaris deuotio erga Sanctiss. Sacramentum in omnibus Regnis, & Ditionibus Augustissimæ Domus Austriacæ, vt probant attestations factæ Viennæ, Pragæ, Moguntiae, Colonie, Salisburgi, & alijs Ciuitatibus Germaniæ, *Summ. num. 13.* & Ditionis Leodienfis (vbi primò institutum est festum SS. Sacramenti) in quibus eadem viger immemorabilis consuetudo, *Summ. num. 14.* & etiam Hispaniarum, & Lusitanæ, *Summ. num. 15.*
- 29 Et consuetudinem circumferendi Imagines eum Vener. Sacramento viguisse ante annum 1549. testatur, eamque confirmauit Concilium prouinciale Colonienfe celebratum eodem anno *Summ. num. 16.* publicatum, & receptum in Belgio, iuxta ordinationem Caroli Quinti [quæ rom. 14. Conciliorum præfigitur præfato Concilio] his verbis: *Quam ob rem, & Sanctorum Reliquias, & Imagines eorum, qui vestigia eius secuti sunt simul (eum illa Hostia salutari Corporis Christi) circumferimus: tunc enim temporis Mechliniæ, Bruxellæ, Louanium, & notabilis pars Belgij erant subditi Episcopo Leodienfi Suffraganeo Colonienfi, & solùm anno 1559. institutus est Archiepiscopatus Mechliniensis, & alij Episcopatus in Belgio à fel. mem. Paulo IV.*
- 30 Ad plenam, & indubitatam fidem illius, sufficiebat pro Belgio epistola Regiæ tunc Regnantis ad Gubernatorem Generalem Belgij, in qua asserit, *nonitatem Archiepiscopi esse contra consuetudinem immemorabilem, & ex illa esse exorta, & noua oriri posse scandala; ideoque vrget, vt (Sux Sanctitatis autoritate) huiusmodi mala, & dissidia tollantur, ne radices agant: cui Regiæ Regenti, dignitate, & altitudine præminentis, credendum est, Salou. de Pace conf. 33. num. 1. Menoch. conf. 200. num. 24.* vbi de Carolo Quinto, & præcipuè in calu nostro. in quo non est nuda, & simplex assertio, sed est innixa informationibus missis à Consilio Status, & Consultationibus primariorum Theologorum Belgij, vnà cum rationibus ab ipso D. Archiepiscopo exhibitis, & ad eandem Reginam Regentem transmissis, Decius in *auth. si quis in alio num. 4. l. C. de eden. Spad. conf. 173. num. 114. & seqq. tom. 3.*
- 31 Huiusmodi autem consuetudo est melior titulus, qui Mundo possit allegari

alicui legi, aut statuto, illi non sit obtemperandum, nec obligationem induca
 S. Thom. 1. 2. q. 95. art. 3. & q. 96. art. 4. Lezana Verbleges. nam. 7. ratio enim
 finalis ipsius Decreti (quæ est veluti anima illius à qua defumi debet vis obli-
 gandi) est ne *Imagines distrahant Populi deuotionem*, & *impediant quominus soli*
Deo reddatur suus in solidum honor & gloria, seu vt dicitur art. 4. & 5. rationum
 à Domino Archiepiscopo missarum ad D. Gubernatorem Generalem in Sum-
 num. 5. quia *Processiones in quibus defertur Venerabile simul cum sacris Sanctis-
 simum non sunt vlla modo tolerabiles, sed maximè abusive, quandoquidem hoc fit dimi-
 nuere gloriam & honorem Dei, ad hunc diuidendum inter ipsum, illis realiter præ-
 sentem, & statim creaturæ; cum tamen Apostolus dicat: Regi Sæculorum, soli Deo*
honor & gloria, ac si in illis Imaginibus esset aliqua Diuinitas vel virtus &c.

42 Nam ille propositiones directè aduersantur Concilio Tridentino sess. 25. in
 Decreto de innocat. & venerat. Sancti. vbi mandas omnibus Episcopis, vt de legiti-
 mo Imaginum vsu Fideles diligenter instruant, docentes eos, Sanctos, vñ cum Chri-
 sto regnantes innocare, ob beneficia impetranda à Deo per Filium eius Iesum Chri-
 stum; damnat eos qui asserunt Sanctorum inuocationem aduersari honori vnus
 Mediatoris Dei &c. statuit Imagines, in Templis præsertim, habendas, & retinen-
 das, eisquæ debitum honorem impertiendum; & præcipit Episcopis, vt diligenter
 doceant, ex omnibus Sacris Imaginibus magnum fructum percipi &c. vt Fideles
 excitentur ad orandum, & diligendum Deum &c.

43 Deinde si illa duo motiua præcipua, quæ Dominus Archiepiscopus addu-
 cit pro causa finali sui Decreti, nempe de vitanda distractione deuotionis Populi
 ad plura, & vt Deo suus honor reddatur subsisterent, abrogandæ essent Litaniæ
 Sanctorum; imò expungenda essent nomina Sanctorum ex Canone Missæ, in
 quo Sancta Mater Ecclesiæ, (etiã si Christus sit tunc realiter præsens in Alta-
 ri), adhibet intercessionem Sanctorum; potioriquæ iure ex Altaribus, & Ec-
 clesijs essent eliminandæ Imagines, quam à Processionibus; quia in Eccle-
 sijs longè plures reperiuntur, quam in Processionibus, vbi vna aut altera,
 ad summum defertur, & quidem cum magna distantia à Sanctissimo Sacra-
 mento.

44 Ista etiã aduersantur praxi seruata in Vrbe, nam (vltra quam plures Re-
 liquias, Sanctissimasq; Imagines, & Statuas Sanctorum, quæ in omnibus
 illius Ecclesijs conspiciuntur) etiã in ipsis Altaribus, in quibus exponitur
 Venerabile Sacramentum, adsunt Sanctorum Imagines, & Reliquæ, & signan-
 ter in Basilica Sancti Petri semper illud circumstant duodecim Statuæ argen-
 tæ Sanctorum Apostolorum, quæ non deberent tolerari, si earum præsentia,
 distraheret deuotionem Populi ad plura, aut impediret, quominus soli Deo suus
 in solidum honor redderetur.

45 Denique si D. Archiepiscopus credat, quod concomitantia Imaginum,
 cum Sanctissimo Sacramento sit maximè abusua, & nullo modo tolerabilis
 (vti dicit in suis rationibus exhibitis D. Comiti de Monterey Gubernatori
 Generali) quâ ratione Vniuersitas Louaniensis, quæ hominibus doctissimis, &
 timoratis abundat, quotannis statuam B. Virginis curat deferri cum San-
 ctissimo Sacramento in Processione solemnî, & posituè renuit obedire isti
 Decreto, & iteratæ prohibitioni D. Archiepiscopi? Cur ipsemet D. Archiepi-
 scopus illam quibus, & quando vult, concedit? Certè facta non concordant
 verbis, sed se inuicem destruunt, & Populo occasionem præbent scandali,
 dum videt in vna Processione deferri Imagines solitas, in alia non; & D. Ar-
 chiepiscopum vni Ecclesiæ permittere, quod alteri negat; quæ potiùs acce-
 ptionem Personarum, vel alicuius passionis æstum, quam zelum Domus Dei
 præ se ferunt.

46 Ex quo deprehenditur in dicto Decreto defectus alterius requisiti ad ra-
 tionem veræ legis, nempe quod *proficiat saluti*, hoc est bono communi, quia
 non solum multas obmurmurationes, obloquia, anxietates conscientiarum,
 & conturbationes sua nouitate causauit, & causat in Populo, quoties omitti-
 tur expositio Sanctissimi Sacramenti, vel circumgestatio Imaginum; sed etiã
 retrahit Fideles à frequentatione Ecclesiarum, in quibus non sit solica expo-
 sitio Sanctissimi Sacramenti, vt probant attestations datæ Summ. num. 2.

47 Præterea lex, iuxta S. Isidorum lib. 5. cap. 3. debet esse secundum consuetudi-
 nem

non Patria, loco, temporisque conueniens; Decretum vero Domini Archiepiscopi repugnat antiquissimæ consuetudini Belgij, & omnium Ditionum conterminarum, approbatæ per Concilium Prouinciale Colonienſe.

- 48 *Nec loco conueniebatur; quia Bruxellis, & in alijs Urbibus Diocæſeos Mechlinienſis, erat magna pars exercitus Hollandiæ, illiusque Officiales, qui, vt dictum est supra, exultabant de isto Decreto, & insultabant Catholicis.*
- 49 *Minus congruebat temporis; quia tempore bellorum in Belgio Lenientium, magis necessariæ erant quam vnquam Processiones, frequentes Sanctissimi Sacramenti expositiones (quæ tunc singulis diebus in alijs Diocæſibus fiebant) & alia pietatis exercitia, vt Fideles feruentius orarent pro tot afflictis, & pace à Deo obtinenda.*
- 50 *Ob quas rationes omnino abstinendum erat ab isto Decreto: etiam quia, nouitates omni studio vitandæ sunt: parum enim discordiam, dum ab eo, quod diu æquum vsum est, per nouam constitutionem receditur, nec quare recedatur utilitas evidens, aut alia causa subest. Extravag. Inter cunctos, de priuile; & vt ait Tertulianus, nouum omne quod est, suspectum est; imò præsumitur malum text. & Glos. in c. fin. de Religioſ. Domib. Bald. in l. rebus. ff. de consuet. Princip; Expe numero enim mutatio, etiam in melius, maiorum malorum consuevit esse principium. Lucian. lib. 1. varlar. bist; idè Celestinus III. in c. quod dilectio, de consanguinit. & affinit. consultius duxit multitudini, & obseruatæ consuetudini deferendum, quam aliud in dissensionem, & scandalum Populi statuentum, quadam adhibita nouitate.*
- 51 *Et quod magis vrget, & reprobatur hanc nouitatem, est, quod nullus Prædecessorum D. Archiepiscopi, nullus etiam Episcoporum Belgij, nec vlla Synodus hæcenus similem prohibitionem fecerunt; qui, cum fuerint, & sint sapientissimi, & vigilantissimi, eam non omiserunt, si ad maiorem Dei gloriam, & Animarum salutem cedere potuissent, aut ad tollendos abusus necessaria fuisset.*
- 52 *Non immoror refutandæ rationi adductæ art. 18. rationum D. Archiepiscopi Summ. num. 5. contra Imaginem Sancti Michaelis, nempe quod non habeat corpus, & non possit representari; quia illa damnata fuit in secundo Concilio Nyceno.*
- 53 *Decretum D. Archiepiscopi iustificari nequit per Concilium Tridentinum, cui præcipit vsu se conformens Rectores Ecclesiarum; quia nihil prorsus de istis duobus statuit Tridentinum; imò improbat, & damnat doctrinam expressam, pro motiuo dicti Decreti, vt dictum est supra: & cap. 8. sess. 21. (quod D. Archiepiscopus adducit pro se pag. 18. suæ Epistolæ pastoralis) non tribuit Episcopis facultatem disponendi ad libitum de ijs quæ spectant ad Dei cultum, minus innouandi quæ antiquo vsu instituta sunt, etiam vbi esset dubius abusus, nisi habito consilio Episcoporum Comprovincialium, & consulto Summo Pontifice, vt statuitur in fine Decreti de inuocat, & venerat. Sancti. Imò non possunt Episcopi dare licentiam asseruandi Venerabile Sacramentum in Ecclesia non Parochiali, vt adoretur à Fidelibus, sed requiritur autoritas Sanctæ Sedis. Riccius part. 4. collect. 1. 2. 16: Piascius prax. pari. 2. cap. 3. & Barbos. in c. Sancti. de celeb. Miss.*
- 54 *Decretum verò de obseru. & emend. in Miss. sess. 22. solum loquitur de remouendis abusus, qui dedecent celebrationem Missarum, non autem de expositione Sanctissimi Sacramenti, & Processionibus, quas non possunt prohibere fieri inter claustra, Lezana verb. Processio num. 8. & 9. vbi refert declarationem S. Congregationis.*
- 55 *Nec rectè asseruit D. Archiepiscopus, quod se conformauerit duabus Synodis Mechliniensibus celebratis annis 1570. & 1607; quia tota ipsius diligentia non potuit inuenire vel vnum Decretum vllius Synodi Belgicæ, aut vnum exemplum in Belgio, quo prohiberetur simultanea gestatio Sanctissimi Sacramenti, & Sanctarum Imaginum, aut Reliquiarum (de quibus nunc est questio) vel expositio Sanctissimi Sacramenti sine sua licentia.*
- 56 *Nec istæ Synodi in suis Decretis loquuntur de Regularibus, qui in odiosis*

non veniunt nomine Clericorum *ord. in c.2. num.1. de consuet.* Seraphin. *decis.607. num.8. & 15.* minus censentur comprehensi Ordines Mendicantium, nisi de illis facta fuerit specifica, & expressa mentio. Cohell. *ad Bull. boni regim. cap.28. num.76.*

- 57 Qui cum notoriè immediatè subditi sint Sanctæ Sedi, exempti sunt etiam à Synodis, & constitutionibus illarum, defectu iurisdictionis in ipsa Synodo *c. nimis prava, de excess. Prælat. Cockier. de iurisd. in Exempt. part.4. q.19. nu.1. Fagnan. in c. quanto num.55. de offic. Ord. & in c. quod super his. num.28. de maiorit. & obed.*
- 58 Deniq; supposito, non tamen concessio, quod Synodi ista statuissent, & obligassent Regulares; ex probata immemoriali consuetudine constaret quod nunquam fuissent vsu recepti; vel si fuissent, per longissimi temporis usum, contrarium euuissent.
- 59 Id quod confirmat D. Archiepiscopus pag.25. suæ Epistolæ Pastoralis, vers. & circa, ubi faretur quod iam dudum, officiante ipso Archiepiscopo, in Processione annua generali Venerabile circumferebatur, ac simul Reliqui Sancti Rumoldi: prudenter autem ordinatum est in illa amplius non deferri Sanctissimum Sacramentum; quia est Processio *Dedicationis annua* in illis enim non solet deferri, ut videtur ex Synodis Antuerpiensi, & Namurcensi, quæ in dicta Epistola pag.24. & 34. referuntur.
- 60 Ex dictis etiam sequitur, quod Acta Regestorum Collegiatæ SS. Michaelis & Gudulæ allegata in Epistola Pastoralis non possint probare licentiam petitam fuisse in executione Decretorum vtriusque Synodi, pro simultanea gestatione SS. Sacramenti & Imaginum, cum nullum ostendi possit, quod illam prohibeat; sed solum quia non possunt Regulares facere Processiones extra septa suorum Claustrorum sine licentia Parochorum, quales sunt, & quidem primarij totius Ciuitatis, Domini Canonici istius Collegiatæ, à quo tamen in istis actis perperam dicitur petita licentia deferendi nonnullas Imagines.
- 61 Præterea illa extracta mentionem non faciunt expositionis Sanctissimi Sacramenti, & sic quo ad hanc partem etiam suffragari nequeunt.
- 62 Quæ, & si fauerent D. Archiepiscopo, vim non possent habere, propter usum posteriorem contrarium tempore sufficienti ad præscriptionem, quod solum debet esse 40. annorum: vltimum enim Actum est de 30. Augusti 1624. & sic vsque ad Decretum Archiepiscopale conditum 29. Augusti 1674. intercesserunt quinquaginta anni.
- 63 Nec etiam ipsi suffragari possunt Decreta à Sacra Congregatione aliàs edita; quibus declaratur, non licere Regularibus S. Eucharistiam exponere in suis Ecclesijs, sine consensu Ordinarij.
- 64 Primò Quia non fuerunt edita pro tota Ecclesia, sed pro quibusdam Diocæssibus: nec obseruantur in Belgio, Germania, Hispania, Lusitania, &c. ut constet ex attestationibus exhibitis, à n.12. & afferunt DD. citandi infra art.74.
- 65 Imò nec in Belgio fuerunt vnquam cognita, etiam ipsi Secretario D. Archiepiscopis qui, si ea sciuisset, melius illorum allegatione suam Decretum roborasset, quam duobus motiuis in eo adductis.
- 66 Secundò Et, si nota fuerint (quod est probandum) potest dici quod non fuerunt vsu recepta, aut acceptata, sicut Eminentissimus D. Cardinalis Albitius in tr. de iurisd. EE. DD. Cardinalium in *resp. q.1. m.13. pag.61. dicit, Concilium Lateranense* (sub Gregorio I. celebratum) *non fuisse* (quo ad exemptiones Regularium), *vsu receptum, nec acceptatum, etiam in ipsa Vrbe:* & idèd n.19. tradit, *illud non esse tantum faciendum; quia Constitutio abrogata, vel non vsu recepta allegari non potest* Rota coram Metlino *decis.461. in fin.*
- 67 Tertiò Cum nunquam fuerint publicata, non videntur posse obtinere vim legis vniuersalis, de cuius essentia est, ut promulgetur, ut in terminis Declarationum EE. DD. Cardinalium docet Bonacin. *tom.2. disp.1. quæst.1. p.8. num.4. vers.2. pars est.* Sylueira *opusc.2. refut.25. num.8. & segg.* Ioan. Valet. *de*

De differ. utriusque for. verb. absolutio; diffi. num. 20. Merolla tom. 2. c. 3. n. 163. & cap. 4. num. 171. Diana p. 5. r. 2. ref. 96.

68 Quartò Per vsum contrariū illis esset derogatum; nam sufficiunt decem anni ad præscribendum contra legem non receptam, Nauatr. *conf. 8. de constitut. in fin. Ioan. Valer. loco citato.*

69 Quinidò Nec possunt tollere consuetudinē immemorabilē, cui nunquam censetur derogarum, etiam per Constitutiones Apostolicas, siue speciali illius mentione. Rot. *decis. 570. nu. 2. coram Buratt. & decis. 533. num. 13. coram Eminētissimo Ottobono, quauis haberent clausulam, Sublata quacumque consuetudine, Sperell. decis. 37. nu. 26. aut dictum fuisset, quibuscumque consuetudinibus non obstantibus, vt in terminis Conc. Tridentini. Gonzal. ad regul. 8. Canon. gloss. 34. num. 5. Barbof. claus. 87. num. 4. & seqq. vbi alios plures citat.*

70 Ratio est euidens; quia non solum immemorabilis consuetudo præsumitur habuisse bonum & fundatum initium. Fagnan. in c. præterea num. 55. ne Prelat. vic. fus; sed etiam antiqua: l. *quadam mulier. ff. de re vindic. Alexand. conf. fin. lib. 4. per totum*, vbi quod consuetudo antiqua inducit presumptionem truli habiti, & habet vim Decreti & consensus. Tusc. *litt. C. conclus. 959. num. 5. & 7. Solorzan. 10. 2. lib. 3. cap. 20. num. 22.*

71 Quinimò quotiescumque adest antiqua consuetudo, Sacra Congregatio talem expositionem permittit, & passim concedit litteras ad talem probationem faciendam, illam estimando pro releuanti, vt practicarum fuit prima, Aprilis 1662. in causa Minorum Conuentualium Placentiæ; & in alia Recollectorum pro Sanctissimi Sacramenti expositione, vt videre est ex litteris scriptis ad D. Episcopum Senonensem decima quinta Decembris 1662. in *Summario num. 17. vbi præcipitur, vt privilegia dictorum Fratrum, exemptiones & consuetudines, præsertim quoad Confessiones audiendas & Eucharistiæ Sacramentum publicè exponendum &c. restituat cum effectu.*

72 Similiter die septima Septembris 1663. in causa Fratrum dicti Ordinis Diocesis Sarlatensis decretum fuit, referentibus EE. DD. Carpineo, Francioto, & Santacrucio (vt in Summario num. 18.) *Licere eisdem Fratribus in proprijs Ecclesijs, in Festis principalibus Ordinis Augustiss. Eucharistiæ Sacramentum exponere absque licentia Ordinarij; in Ecclesijs verò Monialium ipsi subiectionem, non nisi de licentia; modo tamen non adisi antiqua consuetudo in contrarium. Vbi aduertendū, quod sufficiat antiqua consuetudo ad exponendum S. Sacramentū.*

73 In Theatro Regularium, verb. Regulares num. 1. refertur alia declaratio, qua Sacra Congregatio die secunda Iulij 1580. censuit, *licere Regularibus in Ecclesijs, & intra septa Monasteriorum suorum Sacrosanctum Eucharistiæ Sacramentum processionaliter circumferre, & super Altari publicè adorandum exponere, ex quavis gratia causa publica, vel priuata. Idem asserit Ioan. à Cruce lib. 3. cap. 5. dub. 5. not. 2. in fin.*

74 Denique quia in specie, circa Sanctissimi Sacramenti expositionem in multis partibus dicta Decreta non habent locum; vt de Lusitania testatur P. Antonius à Sancto Spiritu in Direct. Regular. *tract. 2. disp. 3. sect. 3. §. 2. n. 105. & de Ecclesijs Regularium in genere dicit Cespedes de exemptione cap. 6. dub. 132. num. 3. & 4. Pellizarius tom. 2. tract. 8. cap. 5. num. 79. Bordon. resol. 20. num. 30. Ioan. à Cruce lib. 2. de Stat. Religion. cap. 5. dub. 1. notabili 2. & nouissimè Sylveira opusc. 2. resol. 36. num. 14. vbi testatur de communi vfu in dicto Regno Lusitaniz, & alijs partibus Hispaniarum exponendi à Regularibus Sanctam Eucharistiā absque alia Ordinarij licentia, & se vidisse, quod cum Sede Vacante, quoddam Capitulum id prohibuisset, anno 1635. causa ventilata, Capitulum destitit à suo Decreto, & Regulares reliquit in sua possessione.*

75 Id autem magis in casu nostro obtinere debet, quod Belgium sit cinctum Hæreticis, quorum præcipui errores sunt circa Venerabilem Eucharistiā, cultum Sanctorum, & venerationem Imaginum; contra quorum venenum, tū Præsules, tū Principes aptissimum reputarunt hætenus frequentatum remedium expositionis Sanctissimi Sacramenti, & circumlationis Imagi-

76 Et additur, quod si hæc pia deuotio non fuisset introducta, illa necesse foret introducenda, ad Plebem conseruandam in vera fide de præsentia Christi Domini

Domini in Eucharistia, extra usum Sacramenti, contra Lutheranos, aliosque prauos Sedaros in Belgio assidue versantes, & ad illos ab hæresi amouendos, seu confundendos, uti Bellatmin. tom. 3. lib. 4. cap. 30. dicit de Institutione Festi Corporis Christi, quia, ut ait, ex publica adoratione, & honore eximio, qui exhibetur huic Sanctissimo Sacramento, rudiores melius discunt in eo verè præsentem esse Christum, quam ex multis concionibus.

77 Nec attendendum est ad duo Decreta circa expositionem Sanctissimi Sacramenti nuper facta à SS. Congregationibus Rituum, & Concilij Tridentini pro hac causa: quia primum fuit latum sine intimatione, & citatione Regularium, qui non informarunt, nec potuerunt informare Sacram Congregationem; & quod plus est, contra voluntatem, & expressam inhibitionem soel. mem. Clementis X. qui auditis ijs quæ circa istam difficultatem fuerant illi scripta à DD. Nuntio Maritensi, & Internuntio Bruxellensi, prohibuerat ne super hisce duobus punctis quidquam innouaretur in Belgio; & statim ac sciuit Decretum illud factum esse, prohibuit ne illud expeditur, & executioni mandaretur.

78 Secundum fuit latum in Congregatione Sacri Concilij Tridentini, nemine instante, & ex occasione Libelli supplicis porrecti, quo Regularium nomen exponebatur, Archiepiscopum omnes ferè approbationes Regularium limitare ad vnum, aut duos annos, etiamsi essent absolute capaces, & exigere, ut qui initiarentur Sacerdotio ipsi promitterent obedientiam; eaque fieri eo quod, contra suum Decretum, exponebant Sanctissimum Sacramentum sine ipsius licentia; petebaturque tantum in dicto Libello declarari, an ista limitatio approbationis, & exactio obedientiæ ipsi liceret: ea, inquam, occasione, ultra hæc duo dubia, adiunctum fuit tertium ab Illustrissimo D. Secretario, an liceret dicta expositio sine consensu Ordinarij, contra intentionem Regularium, qui id non petierant, nec de suo iure informauerant: & idè etiam ab eodem Clemente Decimo prohibita fuit expeditio, & executio dicti Decreti.

79 Frustra etiam adducuntur in Epistola Pastoralis ordinationes Sancti Caroli Borromei Archiepiscopi Mediolanensis, & quorundam Episcoporum Galliæ; quia extra territorium statuentium vires extendere nequeunt *L. ult. ff. de iurisdict. omni. iudic. l. non videtur ff. de iudic.* minus ligare possunt Regulares ab eorum iurisdictione exemptos.

80 Deinde si in istis Diocæsisbus fuisset talis consuetudo, qualis in Belgio, & alijs Ditionibus vicinis, eiusmodi Decreta non condidissent.

81 Nec soel. mem. Clemens X. in Synodo Camerineni prohibuisset gestationem SS. Reliquiarum, dum istius Ecclesiæ erat Episcopus; nam ob dictam consuetudinem, & alias rationes, noluit ut Sacra Congregatio Rituum quidquam aduersus illam decerneret, & Decretum contra suam interdictionem factum, expediri prohibuit, ut dictum est supra §. 77. & 78.

82 A nullo autem Episcoporum Galliæ interdicta fuit delatio Imaginum cum Sanctissimo Sacramento, ne Hæreticis ibi frequentibus arma contra usum Imaginum præberent.

83 Sanctus Carolus quidem in septima Synodo Mediolanensi statuit, quod *nulla simulacra deferantur, sed Imagines tantum serico panno depictæ, textilique opere elaboratæ* ut dicitur in rationibus D. Archiepiscopi art. 3. sed D. Archiepiscopus, ipso rigidior, prohibuit etiam delationem imaginum; ut videtur ex eius Decreto.

84 Id fortè ordinauit S. Carolus, quia talis est Ritus Ambrosianus; nulla enim videtur alia ratio, cum nulla sit differentia inter Imagines pictas, & statuas; & saltem inde videtur, quod Sanctus Præsul non crediderit, Imaginum presentiam *distrabere Fidelium deuotionem ad plura, & impedire ne Deo sans in solidum honor reddatur* quod asseritur in Decreto D. Archiepiscopi.

85 Perperam allegatur, quod tam in vna quam in altera functione interueniant abusus.

86 Primò Quia nullus specificatur, minus probatur; & de contrario constat ex attestationibus exhibitis num. 2. & 12. noruntque, quotquot in Belgio fuerunt, quod Populus cum magna modestia, & reuerentia stet in Ecclesijs.

87 Secundo S. quia in Ecclesijs Sanctissimum Sacramentum exponitur quam frequenter.

quæstissimi ut ait D. Archiepiscopi Decretum; & per eum ab usum reuerentia Deo debita flaccescit, prohibendæ sunt Processiones, & expositiones Sanctissimi Sacramenti eadem ratione interdicens esset celebratio Missarum; quia illæ singulis diebus, plurimæque numero, & continuo, in variisque Altaribus eiusdem Ecclesiæ, ab aurora usque ad meridiem celebrantur; & in quibusdam locis minor tunc exhibetur reuerentia, quam tempore Processionum, aut expositionis Sanctissimi Sacramenti.

88 Tertiò Si qui sint abusus, illi tollendi sunt, & non vsus expositionis Sanctissimi Sacramenti; quia (vti, Hieronymus respondit Vigilanti variis abusus aduersus Catholicorum Ritus, & deuotionem corradenti) *paucorum culpa non præiudicat Religioni*: tollendi sunt, inquam, abusus, si qui sint, sed debito modo, id est cum consilio Episcoporum Comprovincialium, & consulto prius Sanctissimo Domino, vt à Prædecessoribus D. Archiepiscopi factum esse demonstrant binæ Synodi ab eo adductæ alios abusus prohibentes, & præscribuntur à Concilio Tridentino sess. 25. in Decreto de inuocatione & veneratione Sanctorum.

89 Nostræ consuetudini non officit quod in Vrbe non circumferatur Sanctissimum Sacramentum in Processionibus, sed tantum Imagines Sanctorum, quod quæ tam frequenter non exponatur sanctissimum Sacramentum; etenim *unius Ecclesiæ consuetudo non subuertitur propter contrarias consuetudines aliarum*, vt ait Glossa. in c. illud dist. 12. & consuetudo Urbis non obligat alias Ecclesias, nisi Summus Pontifex præceperit illam seruari. Abb. in c. ult. de ferijs Suarez de legibus lib. 7. cap. 16. num. 6.

90 In Vrbe abstinetur à laeticijs diebus ieiunij, quod non seruetur in partibus Vleramontanis: & non celebrantur Missæ in Altari, vbi expositum est Sanctissimum Sacramentum: in Belgio & Germania continuo sunt in eo Missæ ab aurora usque ad meridiem, &c.

91 Deinde in Vrbe, Mediolani, & alijs maioribus Ciuitatibus Italiæ, præter Sanctissimi Sacramenti quotidianam in aliqua Ecclesia expositionem, tribus aut quatuor diebus singularum hebdomadarum in varijs Ecclesijs etiam regulariter exponitur.

92 Et in Basilica Principis Apostolorum singulis mensibus fit Processio cum Sanctissimo Sacramento.

93 Etiam Mediolani idem fuit seruatum ante tempus S. Caroli Boromæi: quia ipse in quarta Synodo *de pertinentiis ad Sanctissim. Eucharist. Sacrament.* Sanxit: ut in Processione solenni Corporis Christi, & alijs, (quas non instituit, sed institutas reperit) in portando Sanctissimo Sacramento singulis mensibus constitutis singuli Canonici interitum accensum in manibus ferant.

94 Similiter D. Cardinalis Paleottus Archiepiscopus Bononiensis quamplures eiusdem Sanctissimi Sacramenti Societates instituit, quæ prima Dominica singulorum mensium faciant Processiones cum Sanctissimo Sacramento, quod illa die in eminenti loco Altaris ornato, & luminaribus undique circumdato collocabitur, ut Populo meditationis, & orationis aliqua præbeat occasio. Ita legitur in Archiepiscopali Bononiensi p. 3. de Sacram. Eucharist. & p. 3. de Processionib. c. 2. & c. 6.

95 Nec potest dici, quod in istis Processionibus non deferantur Imagines; quia in labaris appensis Crucis, quæ à singulis Ordinibus Regularibus deferuntur in dictis Processionibus, etiam in Festo Corporis Christi, depicta est Imago, vel Beatissimæ Virginis, vel Fundatoris illorum, nativam hominis staturam referens; & sæpe in illis quæ sunt intra octauam dicti Festi, & in ipsa Basilica S. Petri, incedunt pueri vestiti ad instar Sanctorum; vnde videtur non esse exclusas imagines à Processionibus, in quibus deferretur Sanctissimum Sacramentum. Et quamuis illa non fieret in Vrbe; propterea non esset abroganda consuetudo Belgij, Germaniæ, Hispaniæ &c. Scit enim Sancta Romana Ecclesia, quod nihil obstat saluti credentium diuersa pro loco & tempore consuetudines, si illis canonica non obstat autoritas, pro qua eis obuiandum sit, c. scit sancta. dist. 12. & consuetudinem, quæ contra fidem Catholicam nihil usurpare dignoscitur, vult immutari permanere c. nos consuetudinem. dist. 12.

96 Quæ Processiones, & expositiones, si in Vrbe, in fonte pietatis, & firmamento

mento Fidei, sub oculis Sanctissimi Dñi tā frequenter fiant, ad fouendam, & augendam fidē Populi, à conuersatione Hæreticorū remotissimi; nullus est qui non arbitrabitur, illas magis necessarias, & frequentius faciendas esse in Belgio cñ cō Hæreticis, iisque, & quidem quamplurimis, ibidem quoridie conuersantibus, vt ab eorum terribus circa cultum Sanctorum, & honorem imaginibus & Sanctissimæ Eucharistiæ Belgæ præseruetur, & in fide Catholica solidetur.

97. Et adeò vrget necessitas huius piz, & sanæ consuetudinis, vt nulla ratione possit abrogari, absque ingenti Hæreticorum plausu, & exultatione, ac in sua hæresi maiori obfirmatione, necnon Catholicorum perplexitate, consternatione, & animorum perturbatione, vt in suis attestationibus asserunt, non solum Magistratus Vrbiū Belgij, sed & Germaniæ, illiusq; Vniuersitates, & signanter Colonienfis, & Primarij Ministri Regni Bohemiæ, ex gratia legendæ; & si abrogaretur, flacceceret deuotio, minuereturque confusus Populū ad Ecclesiās, vt experientia docuit, quod plusquam media pars illas non frequentauerit illo paruo tempore, quo non exponebatur, vt apparet ex attestacionibus in *Summario* nu. 2.

98. Quo ad tertium dubiū videtur quoq; pro Regularibus respondendum; quia non sunt adstricti obediētiā promittere Episcopo, sed in eorum professione illam vouent solj Prælati suis, Siluest. *verb. obedientia* q. 8. & 10. *Lezana* 10.1. c. 11. nu. 2. neque illam debent ratione subiectionis; sunt enim exempti ab omni iurisdiccionione, dominio, potestate, visitatione, correctione, & superioritate DD. Episcoporum, vt notorium est; & Exempti habentur instar pariteriorum, ac loca exempta parificantur extraneis, c. *luminoso*. 18. q. 2. imò locus exemptus, & locus extra Diocesim pro eodem habetur, Gonzal. *ad reg.* 8. *Cancell. gloss.* 43. nu. 182. & ideo Exempti sunt liberi ab obedientia canonica, quæ, iuxta c. *conquerente. de offic. Ind. ordin.* debetur Episcopo ab omnibus subditis, & ab ea, ad quam in ordinatione profitemdam Clerici eidem subditi tenentur ex c. *quamquam dist.* 23. quam soli Summo Pontifici, & nulli alteri præstare tenentur; quia illa (sicut iuramentum fidelitatis) præstatur in signum subiectionis; & exemptioni ex diametro repugnat; cum olim 2. de priuileg. c. *nimis praua*, vbi Butr. *de excess. Prælat.* Francil. de Aretio *conf.* 150. n. 2. & Coker. *de iurisdic. in exempt.* p. 4. q. 16. nu. 1.

99. Propter Sancta Sedes sæpius Episcopis inhiuit illam à Regularibus exposcere, & nominatim.

100. Gregorius IX. Bulla *inducimur* anno 1240. tertia in Bullario Rodriguez: *Vt nullus ex Prælati Ecclesiarum, absque mandato Sedis Apostolicæ, à Vobis (Ministris) dictam obedientiam manualet præsumat exigere, districcius inhiuemus.*

101. Quod Alexander IV. anno 1258. iterauit Bulla *Virute conspicuos*, quæ est 98. apud Vvadingum in *Regesto* 10.2.

102. Et idem Bulla *Cum Prælatos*, confirmata per Sixtum IV. in Mari Magno Carmelitarū art. 38. apud Lezanam, 10.3. vetuit ne quis Prælatorum obedientiam contra tenorem priuilegiorum Apostolica Sedis exigere, vel accipere præsumat; vbi notandum, quod non solum nequeant Episcopi obedientiam exigere, sed nec sponde oblatam recipere.

103. Clemens V. in Clement. *Frequens. de excess. Prælat.* inter grauamina, à quibus vniuersos Ecclesiarum Prælatos præcipit abstinere, illud recenset, quod *presentatos per Exemptos ad Ordines, & Beneficia nolunt admittere, nisi presentantes ponant OBEDIENTIAM in saluatione Litterarum quas pro presentatione transmittunt.*

104. Iulius II. anno 1506. Bulla *Virute conspicuos* art. 25. quæ est secunda apud Peyrinis, *Vniuersis Ecclesiarum Prælati inhiuit ne manualet obedientiam exigere præsumant.*

105. Antea expressius id statuerat dictus Alexander IV. anno 1255. Bulla *Communis vi Sacer.* & Clemens V. anno 1265. Bulla *Virute*, idque confirmauit Sixtus IV. in Mari Magno Minoritarum art. 6. scilicet *Regulares esse ordinandos absque omni promissione, vel obligatione ipsorum ordinandorum.*

106. Idemque eautum fuit à Martino V., Eugenio IV., & præfato Sixto IV. in Mari Magno Prædicatorum art. 8. apud Lezana 10.3.

107. Et eiusmodi promissionem per Yvonem Episcopum Carnotensem à Gofrido

frido Abbate Vindocinensi (postea Cardinali Sanctæ Priscæ) Simoniacam censuit Urbanus II. ; quia (ut dicit idem Goffridus Epist. 2. lib. 2. ad eundem Yuonem) *non gratis impenditur per quod homo homini subiectus efficitur.*

- ¶ 108 Mirum est, quod D. Archiepiscopus ita tenaciter inhereat isti postulationi, cum Pontificale Romanum ab Urbano VIII. reuissum fol. 64. editionis Romanæ præscribat, per Ordinantem petendum esse à Regularibus, *Promittis Pontifici, vel Prelato Ordinario in eo tempore existentis, reuerentiam & obedientiam ?* & fol. 116. de benedictione Abbatis, ponitur interrogatio de subiectione, obedientia, & reuerentia Summo Pontifici ab Exemptis promittenda, & immediatè post additur: *Si verò benedicendum Exemptis non est, sed ab ordinario suo Pontifice benedicuntur,* subiungitur etiam sequens, quæ alias omittitur, quando benedicendus est Exemptus; nempe *Vis Ecclesiæ N. & mihi eiusdem Episcopo subiectionem, obedientiam &c. exhibere ?*
- ¶ 109. Nec suffragari potest Domino Archiepiscopo, quod fortè nonnulli Superiores aliquorum Ordinum Exemptorum in præfatorijs, posuerint OBEDIENTIAM; aut aliqui dum initiati sunt Sacerdotes, vel benedicti sunt in Abbatibus obedientiam promiserint, & ista promissione tacitè renunciant (saltem quæ ad hoc) suis priuilegijs, iuxta doctrinam Federic. de Senis *conf. 14. & Pascij p. 2. c. 3. de visitat. Regular. num. 5.* quia priuilegium eiusmodi exemptionis non potest renunciari ab Exempto *cum tempore. de arbitr. c. 2. de in integ. restitut. & c. cum olim 2. de priuileg. Panormit. in d. c. cum tempore. n. 2. Fagnan. num. 4. Barbof. num. 4. Cockier. de iurisd. in Exempt. p. 2. q. 1. nu. 7. Rot. in Gracouensi decif. 321. numer. 38. apud Postum de manuten. & coram. Mantie. decif. 237. num. 4., & coram Gregor. XV. decif. 325. num. 23., vbi Addit. nu. 29. & plurimi alij, quos congeffit, & sequitur Passerin. tom. 3. de stat. homin. q. 189. art. 10. inspect. to. num. 753. Ratio est, quia priuilegium exemptionis est concessum intuitu & fauore totius Ordinis, & ideo nullus de Ordine potest illi renunciare, & Episcopo se subijcere, Barbof. ad d. c. cum tempore nu. 5. Abb. in c. ueniens nu. 21. de præscript.*
- ¶ 110. Nectotus Ordo, sine consensu Sanctæ Sedis etiam, tacitè, & indirectè. Paul. de Castro *conf. 432. Roman. conf. 369. num. 19. Abb. in c. grane num. 3. de offic. Ordinari. Fagnan. in c. quod super num. 18. de maiorit. & obediens: interest enim Papæ, ne sua iurisdicção perdat, aut minuat. Abb. in c. 1. num. 19. de re iudic. & c. de terra. num. 5. de priuileg. Syluest. verb. exemptio num. 11. Rot. decif. 161. num. 21. p. 5. rec. Gail. lib. 1. obser. 40. num. 4. & seq.*
- ¶ 111 Alias addit rationes Rota in decisione vnius Vlißiponenfis Monasterij coram Coccino 19. Nouembris 1625., ob quas resolutum fuit, nec Commissarium Generalem Sancti Francisci, nec totam Religionem potuisse subijcere Episcopo Monasterium Monialium Sanctæ Sedis immediatè subditum, nec ipsas Moniales in id consentire. Illa refertur à Lezana in *Mari Mag. Carmelit. §. 33. num. 265.* idèd nulla renunciatio valida esse potest, nisi approbetur à Sancta Sede. Sanchez. tom. 2. *conf. lib. 6. c. 9. dub. 1. num. 35. Lezana ad d. Mare Magnum. num. 280.; & doctrina Federic. de Sen. ab omnibus reprobatur, ut dicit Cockier loc. citat. num. 1.*
- ¶ 112. Præterea Decretum irritans appositum dicte exemptioni annullauit omnia quæ contra illam attentata sunt, & infecit quæcumque possessionem, vel præscriptionem, seu consuetudinem contrariam, impediuitque ne ipsa nasceretur. Rota *decif. 17. num. 9. apud Cels. R. P. D. de Luca tom. 3. de iurisd. discurs. 25. num. 8.*
- ¶ 113. Non obest etiam Regularibus, quod post exemptionem sibi concessam remanserint subditi Episcopis quo ad Ordines suscipiendos; quia obligatio suscipiendi Ordines non respicit potestatem iurisdictionis Episcopalis, quæ sola obedientiam exigit; sed potestatem Ordinis, quæ in Ordinum collatione habet vnum & eundem finem, ipsi Episcopis, & Sacerdotibus communem, qui est Sanctissimæ Eucharistiæ consecratio, in qua vniuersi Præbyteri sunt pares, quandoquidem eorum auctoritas à Deo dependet; ad quem finem Episcopalis Ordinis potestas non ita proximè ordinatur ac Sacerdoti, ut ait Barbof. *de Offic. Episcop. pars. 1. tit. 1. c. 1. num. 10.* idèd noluit Sancta Sedes ut Exempti, etiam si remanserint obligati ad Ordines suscipiendos ab Episcopo,

piscopis, illis obedientiam in vlla occasione promitterent, vt patet ex antecitatis Bullis, nec vt cum verbo, OBEDIENTIAM, illos in litteris præsentarijs salutarent, d. *Clement. Frequent. de excessib. Prælat.*

114. Minus subsistit alia ratio, qua Dominus Archiepiscopus illam prætendit; nempe quod Regulares ipsi subijciantur in ijs quæ spectant ad administrationem Sacramenti Pœnitentiæ, quia, vt constat ex *Clement. Dudum. de Sepult.*, & ex *Extrauog. Inter cunctos. de Prinileg.*, ante Concilium Tridentinum Regulares ad audiendas Confessiones deputabantur à suis Superioribus & solum tenebantur ab Episcopis petere licentiam audiendi Confessiones subditorum; quam si negabant, eo ipso concedebatur à Sancta Sede: Tridentinum autem statuit, vt ab Episcopis approbentur, hoc est testificationem de eorum idoneitate, & sufficientia ad Confessiones audiendas accipiant; vt patet ex verbis ipsiusmet Concilij Tridentini *sess. 23. de Reform. c. 15.*; qua obtenta, statim Regularibus; non ab Episcopo, sed à Sancta Sede confertur iurisdictio congrua ad Sacramentum Pœnitentiæ administrandum. *Basseus. verb. Confessarius 3. num. 1. Del bene de Immunit. p. 1. c. 14. dub. 18. Sect. 11. §. 1. num. 28. & 46. Murga. in Questionib. Pastoralib. P. 1. q. 2. diu. 1. num. 28.* Itaque per illud nihil acquirit iurisdictiois super Regulares, ratione cuius ipsi debeatur obedientia.

115. Obedientia enim debetur ratione iurisdictiois, & versatur in exequendis Superiorum iussionibus. S. Thomas. *secunda secunda quæst. 104. art. 1. Barbof. alleg. 128. num. 5. de potest. Episc. Imola. in c. his qua. num. 2. de maioris. & obed.*, & *Fagnan. ibid. num. 8.*; nec alio iure competit Episcopis in subditos, quam quia sunt subditi, & Episcopo subsunt, sicut membra capiti *c. cum non liceas. de præscript. & ibi Barbof. nu. 3. & 4.* illaque debetur in retributionem, administrationis, siue regiminis, vt ait *Bald. in l. liberti. nu. 10. & 11. de oper. liber.*, & *Lotterius lib. 1. qu. 16. nu. 122.* Cum autem Episcopi nullam habeant superioritatem, administrationem vel directionem in Regulares, nec sint eorum capita, nullum habent ius exigendi ab illis obedientiam.

116. Nec etiam possunt Episcopi illam prætereendere ratione iurisdictiois illis commissæ per concilium Tridentinum, & alias Constitutiones Apostolicas posteriores, quibus Regulares in certis casibus subduntur Episcopis.

117. Tùm quia illa conceditur solum in casibus particularibus, & præsertim transgressionum, & idèd non potest afficere vniuersitatem Religiosorum, sed solos transgredientes: nec existit in Episcopo nisi post transgressionem, ante quam non posset exigere obedientiam si debita esset.

118. Tum etiam quia cum sit delegata, eam exercent, non iure proprio, sed nomine Papæ: qui enim mandatam iurisdictioem suscepit, proprium nihil habet, sed eius, qui mandauit, iurisdictioe vtitur *L. 1. §. qui mandatum ff. de offic. eius eni mand. est iurisdict.*, & habet tantum vsum, & nudum exercitium iurisdictiois penes delegantem remanentis, cuius nomine exercetur in subditos illius, & hi remanent subditi suo Ordinario. Cum ergo propriam iurisdictioem non habeat delegatus; nec etiam illi competit quod debetur ratione iurisdictiois illi qui iurisdictioem habet.

119. Nec dicatur, quod illa iurisdictio sit per legem, hoc est per Concilium, & Constitutiones Apostolicas, collata Iudici habenti ex officio iurisdictioem ordinariam, & quidem sub nomine Dignitatis Episcopalis; quo casu censetur concessa iurisdictio ordinaria; quia id forsan posset habere locum, si essent delegati ad vniuersitatem causatum, & si in singulis locis Concilij, alijsque Constitutionibus Apostolicis, quibus attribuitur illis iurisdictio, non adderetur hæc clausula: *sancquam Delegatus Sedis Apostolica*; quæ indicat, illos esse tantum Delegatos, & Sanctam Sedem sibi reseruasse iurisdictioem ordinariam. *Abb. in c. licet. de Offic. Ordin. Bart. in l. ambiciosa. ff. de Decret. ab ord. sue. Maranta Spec. p. 4. distict. 5. num. 4.*

120. Non possunt etiam dici Regulares recidisse in iurisdictioem Episcoporum; quia, vt dictum est, illi non iure proprio, sed sibi commissio in certis tantum casibus cognoscunt; & perindè est ac si Papa ipse cognosceret, vel specialiter alijs delegasset, vt ait *Gloss. in c. ad abolendam. de Hæresic.*; quando enim Princeps, causam demandando alicui Iudici ordinatio, vtitur his veter-

bis: *authoritate nostra*, vel *tanquam delegatus faciat*, sicuti in *c. irrefragabili. de offic. Ordin.*, & in *d.s. ad abolendam*; tantum conceditur iurisdictio delegata. Bart. & Bald. in *l. ambitiosa*, & ibi Decius nu. 25. *C. de iurisd. omni. iudic. Marenta loc. citat.*, Merolla to. 3. *disp. 7. de iurisd. num. 41. & 47.* & Schildere de *conficient. dub. tract. 5. §. 2. nu. 10. vers. oppositum*.

131 Non putant Mendicantes hic exhibendas esse Bullas suæ exemptionis, cum ea sit notoria, & Summi Pontifices in pluribus illarum declarauerint, *quidquid factum fuerit contra eorum exemptionem, ut pote notoriam, licet non allegatam, nullius roboris, & momenti esse, & pro infectis haberi debere*. Ita post plurimos alios Summos Pontifices Sixtus IV. in *Mari mag. Carmelitar. artic. 60. & 71.* apud Lezanam *d. sem. 3.*

132 Etiam notoria est exemptio Canoniorum Præmonstratensium ab Alexandro V. concessa anno 1409. qui pro Exemptis, à Sancta Sede, & ab omnibus Episcopis agnoscuntur; eamque testantur Chopin. de *Sac. Politi. lib. 1. tit. 3. num. 7.*, & Barbol. de *potest. Episc. p. 3. alleg. 105. post num. 12. vers. Præmonstratenses*; & ideo ipsemet D. Archiepiscopus à tempore huius litis permittit in præsentatorijs omitti (O B E D I E N T I A M) a R. D. Abbate Monasterij Parcenfis eiusdem Ordinis.

Fr. Seraphinus à Iesu Maria Prouincialis Terre
Sanctæ Ord. Carmelitarum Procurator.

Sacr. Congregationi Depu-
tatae .

Mechliniensis .

P R O
Regularibus Exemptis .

C O N T R A .

Reuerendissimum Dominum
Archiepiscopum Mechli-
niensem .

Facti, & Iuris.

ROMÆ, Ex Typographia Reuerendæ
Cameræ Apostolicæ. 1679.

Superiorum permissu .

